

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa zamjenik policijskog komesara, Glavni inspektor Fatmir Hajdarević, (u daljem tekstu Ugovorni organ)

i
PING d.o.o Sarajevo, Jukićeva 36, ID: 4200070010007, koga zastupa direktor Muamer Bezdob (u daljem tekstu: Dobavljač)

zaključili su:

UGOVOR O NABAVCI USLUGA PRODUŽENJA TEHNIČKE PODRŠKE ZA ANTIVIRUSNI SOFTVER

Član 1.

Predmet ovog ugovora je nabavka usluga produženja tehničke podrške za antivirusni softver, za potrebe Uprave policije Ministarstva unutrašnjih poslova Kantona Sarajevo.

Nabavka je izvršena putem otvorenog postupka, na osnovu odluke broj: 02-11-4-2259/23 od 29.03.2023. godine.

Ugovor se zaključuje u skladu sa uslovima iz tenderske dokumentacije, ponudom Dobavljača, i stvarnim potrebama Ugovornog organa.

Ponuda Dobavljača broj 62/2023 od 26.04.2023. godine je sastavni dio ovog ugovora.

Član 2.

Ukupna vrijednost ovog ugovora bez PDV-a iznosi 13.908,00 (trinaesthiljadadevetstotinaosam i 00/100) KM.

Dobavljač se obavezuje na nepromjenjivost ponuđenih cijena tokom realizacije ugovora.

Član 3.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključen ugovor će se smatrati apsolutno ništavim.

Član 4.

Garancija za uredno izvršenje ugovora realizuje se u slijedećim slučajevima:

- u slučaju raskida ugovora krivnjom Dobavljača zbog kršenja odredaba zaključenog ugovora, pod uslovom da je prethodno pismeno obaviješten o svakom propustu da postupi po ugovoru i da u ostavljenom roku nije izvršio ispravku takvih propusta;
- u slučaju otkazivanja ugovora od strane Dobavljača prije isteka roka na koji je isti zaključen, pod uslovom da razlog za otkaz nije nastupio kao posljedica kršenja odredaba ugovora od strane Ugovornog organa.

Garancija za uredno izvršenje ugovora realizuje se protekom roka od 5 (pet) radnih dana od dana raskida, odnosno otkaza ugovora.

Član 5.

Dobavljač se obavezuje da ugovorenu uslugu izvrši u roku od 5 (pet) dana od dana obostranog potpisivanja ugovora.

Sve troškove primopredaje kao i troškove reklamacije snosi Dobavljač.

Usluga produženja tehničke podrške će se izvršiti na adresi Ugovornog organa. Dobavljač se obavezuje da ugovorene obaveze izvrši stručno, pravilno i kvalitetno, u skladu sa važećim standardima i zakonima.

Član 6.

Prilikom izvršenja usluge koja je predmet ovog ugovora, ovlaštena osoba Dobavljača je obavezna ovlaštenoj osobi ispred Ugovornog organa dostaviti otpremnicu/radni nalog ili drugi odgovarajući dokument za izvršene usluge u dva primjerka, koji su uredno ovjereni i potpisani od strane ovlaštene osobe Dobavljača. Po izvršenom prijemu otpremnicu/radni nalog ili drugi odgovarajući dokument potpisuje i ovlaštena osoba Ugovornog organa, zadužena za prijem.

O izvršenoj usluzi bit će sačinjen zapisnik o kvalitativnom i kvantitativnom prijemu (čiji će sastavni dio biti otpremnica/radni nalog ili drugi odgovarajući dokument). Zapisnik se sačinjava u 2 (dva) istovjetna primjerka, od kojih jedan zadržava Ugovorni organ, a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača.

Ukoliko lice zaduženo za prijem konstatuje određene nedostatke u kvalitetu ili kvantitetu izvršene usluge, neće se sačiniti zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

Član 7.

Dobavljač se obavezuje priznati reklamaciju na kvantitet i kvalitet izvršene usluge produženja tehničke podrške, koja će biti propraćena zapisnikom o reklamaciji, uz obavezno navođenje nedostataka izvršene usluge i datuma i broja računa (otpremnice, radnog naloga ili drugog odgovarajućeg dokumenta) Dobavljača kako bi se zadovoljili uslovi reklamacijskog roka.

Usluga će se smatrati uredno izvršenom tek kada bude konstatovano da je primopredaja izvršena bez primjedbi.

U slučaju osnovanih primjedbi na ispunjenje ugovorenih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Ugovorni organ.

Član 8.

Nabavka usluga produženja tehničke podrške za antivirusni softver podrazumijeva produženje postojećih antivirusnih licenci „ESET Endpoint Protection Standard“ u količini od 600 (šeststotina) komada, na period od 2 (dvije) godine (do 29.03.2023. godine). Tehnička podrška proizvođača je 2 (dvije) godine (do 29.03.2025. godine) u skladu sa garantnim uslovima proizvođača.

Član 9.

U slučaju kašnjenja u izvršenju usluga, do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 0,1% vrijednosti naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Član 10.

Plaćanje će se vršiti u roku od 30 (trideset) dana od dana uredno izvršene usluge i dostavljanja pojedinačne fakture, na tekući račun Dobavljača.

Član 11.

Dobavljač je dužan nadoknaditi štetu koja nastupi iz djelovanja ili propuštanja Dobavljača u izvršavanju ovog ugovora.

Član 12.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja ugovornih strana i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Ugovorna strana pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 13.

Dobavljač nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke Ugovornog organa, najmanje 6 (šest) mjeseci po zaključenju ovog ugovora, odnosno od početka realizacije ovog ugovora.

Član 14.

Ugovorni organ zadržava pravo raskida ugovora ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Ugovorne strane su saglasne da svaka strana može jednostrano raskinuti ovaj ugovor i zadržati pravo na naknadu štete zbog raskidanja ugovora u slijedećim slučajevima:

- ako Dobavljač kasni sa isporukom, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispoštovati ugovor (stečaj, likvidacija i sl.);
- ako neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane;
- ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Obavještenje o jednostranom raskidu ugovora mora se dostaviti drugoj ugovornoj strani isključivo u pismenom obliku.

Član 15.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 16.

Eventualno nastale sporove pri realizaciji ovog ugovora, ugovorne strane će rješavati sporazumno, u duhu dobrih poslovnih odnosa i međusobnog povjerenja.

U slučaju nemogućnosti sporazumnog rješavanja, ugovorne strane utvrđuju nadležnost Suda u Sarajevu.

Član 17.

Ovaj ugovor je zaključen, kada isti potpišu obje ugovorne strane i traje do realizacije ugovorenih obaveza obje ugovorne strane, odnosno do izmirenja dužničko-povjerilačkih odnosa.

Član 18.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

DOBAVLJAČ
PING d.o.o Sarajevo

direktor Muamer Bezdrob

Broj: 180/23
Datum: 24.05.2023

UGOVORNI ORGAN
MUP KANTONA SARAJEVO
UPRAVA POLICIJE

ZAMJENIK POLICIJSKOG KOMESARA
Glavni inspektor
Fatmir Hajdarević

Broj: 02-11-4-2259-7/23
Datum: 19.05.2023. godine